



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu Priloga I Poglavlje A. tačka 2. Programa mjera zdravstvene zaštite životinja i njihovog provođenja u 2020. godini („Službeni glasnik BiH“, broj 22/20), Ured za veterinarstvo Bosne i Hercegovine donosi

**UPUTSTVO
O IZMJENAMA I DOPUNAMA UPUTSTVA O PROVOĐENJU MONITORINGA NA
PRISUSTVO BRUCELOZE KOD GOVEDA U BOSNI I HERCEGOVINI U 2021. GODINI**

Član 1.

U Uputstvu o provođenju monitoringa na prisustvo bruceloze kod goveda u Bosni i Hercegovini u 2021. godini broj:02-1-27-20-13-4/21 od 07.07.2021. godine, u članu 2. stav (5) mijenja se i glasi:

„(5) Svaki uzorak mora biti adekvatno označen i praćen odgovarajućom kopijom Obrasca za uzimanje uzoraka krvi ili drugog dokumenta (uputnice, potvrde, obrasca i sl.) generisanog iz informacionog sistema nadležnog tijela entiteta ili Brčko Distrikta, kojim se dokazuje da su provedene naložene mjere.“

Član 2.

U članu 3. stav (3), posle riječi: „Obrasca za uzimanje uzoraka krvi“ dodaju se riječi: „ili drugog dokumenta (uputnice, potvrde, obrasca i sl.) generisanog iz informacionog sistema nadležnog tijela entiteta ili Brčko Distrikta, kojim se dokazuje da su provedene naložene mjere“.

Član 3.

Član 5. mijenja se i glasi:

„Član 5.

- (1) Troškove provedbe uzimanja uzoraka krvi od strane veterinarskih organizacija za utvrđivanje prisustva bruceloze kod 125.000 goveda navedenih u članu 2. stav (1) ovog Uputstva, snosi Ured u iznosu od 5,00 KM po životinji (bez PDV-a) iz budžeta za 2021. godinu, ukoliko su ispunjene odredbe navedene ovim Uputstvom.
- (2) Troškovi provedbe uzimanja uzoraka krvi snosit će se samo za ona goveda koja su propisno označena i koja se nalaze u bazi Agencije.
- (3) **Obrasci za uzimanje uzoraka krvi ili drugog dokumenta (uputnice, potvrde, obrasca i sl.) generisanog iz informacionog sistema nadležnog tijela entiteta ili Brčko Distrikta, kojim se dokazuje da su provedene naložene mjere dostavljaju se Agenciji na provjeru, na mjesečnom nivou, najkasnije do 15.12.2021. godine i moraju biti praćeni popratnim aktom na kojem je naznačeno koliko je obrazaca ili drugih dokumenata dostavljeno, kao i ukupan broj životinja na njima. Agencija će sve nepotpune i nepopunjene obrasce ili druge dokumente vraćati nazad veterinarskim organizacijama na korekciju.**
- (4) **Poslije datuma navedenog u stavu (3) ovog člana Agencija neće vršiti prijem dokumentacije radi izdavanja obavještenja (odobrenja). Fakture provedenog monitoringa moraju se dostaviti Uredu do 31.12.2021. godine. Nakon predhodno navedenog datuma dostavljene fakture neće biti predmet obrade i plaćanja.**


- (5) Redistribucija između veterinarskih organizacija će biti omogućena samo između veterinarskih organizacija iz planova distribucije. Sve izmjene moraju biti praćene odgovarajućom dokumentacijom koja će se dostavljati Uredu i nadležnim tijelima entiteta ili Brčko Distrikta, najkasnije pet dana nakon obavljene redistribucije.
- (6) Za eventualno prekoračenje broja uzoraka iz priloga I, veterinarske organizacije obraćaju se elektronskim putem nadležnim tijelima entiteta ili Brčko Distrikta, koji dalje elektronskim putem dostavljaju saglasnost Uredu
- (7) Fakturu dostaviti Uredu zajedno sa originalom u potpunosti pravilno popunjenog Obrasca o uzimanju uzoraka krvi ili drugog dokumenta (uputnice, potvrde, obrasca i sl.) generisanog iz informacionog sistema nadležnog tijela entiteta ili Brčko Distrikta, kojim se dokazuje da su provedene naložene mjere, kao i originalom EKG obavještenja (odobrenja) od strane Agencije po prijemu istog.
- (8) Plaćanje troškova dijagnostičkih ispitivanja u ovlaštenim veterinarskim laboratorijama vršit će nadležna tijela entiteta ili Brčko Distrikta, u skladu sa svojim odredbama.“

Član 4.

Ovo Uputstvo stupa na snagu danom donošenja.

Član 5.

Donošenjem ovog Uputstva stavlja se van snage Uputstvo o izmjenama i dopunama Uputstva o provođenju monitoringa na prisustvo bruceloze kod goveda u 2021. godini broj 06-2-27-20-13-7/21 od 03.08.2021. godine.



Broj 06-2-27-20-13-9/21
Datum 06 08 2021